

FLOREAN DAL PALAZZ

— Al salte fur la Joibe —

(in fin ch' al varà fiat)

Ogni doi numars 5 centesins l'un — bez subit

Si vendin là vie da l'Edicola e là dai Tabachins in Marcolavieri, in piazza Contarene e in Borg di S. Bartolomeo

REDAZION: su la fontane di piazze Contarene — AMMINISTRAZION: su la feredad de Vigne

Par altri Florean al si lassará ciatà, quand che covente, in Stamparie Jacob e Colmegne.

Tiradure 4000 coplis.

Florean par borg di Viole.

No jè vere nuje. Florean al ha peraule di galantom; e oûi che si sfuarze di fà viodi robis che no son al pò jessi nome qualchi birbant; e ciapan chell che mertin i bausars e i caluniators.

Dunce e savarès che soi stat in borg di Viole. Oh! ce bordell, ce sussur!

La maghe, par di là veretat, dopo che jo, jo besol, o hai fevelat, si vevè spaventade e no vevè plu coràgio di fà lis sos operaziuns cun tante libertat come prime. De Questure je s'impie, parçè che a dis che che e ha ce fà a là daur i republicans. Ma di Florean e ha un ninig di paure.

Cun dutis lis sos precauzions, o soi vignut a savè un biell truchett sucedud cheste setemane passada.

E ves di savè che a di un nestri citadin i fo robade, di un lari vunde ardit, di biell misdi, qualchi ciosse pal valor di un trente francs. Une sior, (F.) veciote, che ciacare di pulitiche, di massaris, di camarelis, di dutt insume, no le ul nè cuete, nè crude, e ciupe la muir dal citadin, e i spifare che je e ha biell zà ciatat il lari e la robe.

— Po' cemud? — e disè la muir.

— Je é a di là la viè de maghe in borg di Viole; e vedarà che cun cinq francs a la suje e i puartin a ciase la so robe.

— Po' magari!

Ma la muir no voleve là besole de maghe, e cussì e ciatà une bionde, che sta sott tiare, che i fasè compagnie. Ance là bionde e jè maridade e, naturalmentri, no i disè nuje a so marit de visite che vevè di là a fà.

Lassin là che invece di là là vie de maghe e han faladè la puarte, come che i toce tantis voltis a plu di un dai aventors de maghe, e lassin pur di bande là scene comiche e ridicole che jè stade in che ciase, dula che maghis no 'n sta par sigur.

O vegnarai subit a contaus il consult che han vut cu la maghe lis dos femenutis.

Apene jentrade, che che fo danegiade i fasè une gran riverenze a la maghe.

— Che soust, sae, ma la so amie, sior F., mi ha ditt che je e sa ciatà i laris e la robe robade. A mi mi è stat robat cussì e cussì e jo o soi vignudè apueste par vè unè evasion.

— Oh! ciare siorute me benedete, al è un afar serio, parçè che cumò jo no pueas mingo fà il mistir come prime. E jè vere che lis Autoritas no mi fasin nuje, ma al è chell mostro di Florean che no 'n tas une e che al mi perseguita. Jo no nei plu impazzami e no sai propit ce fà!

— Ma benedete sei! che ritegni che nè jo, nè la me compagne no viarzarin la boca.

— No zovè nuje, no pueas contentale.

E che altre a preà, a suplica, pa 'l amor di Dio, che i fasi chell plase.

— Eco, che sinti, pòsto che o viod che jè une buine femine, e che ance la so compagne (T.) e jè unè simpatiche biondute, i promett di ocupami dal so afar. Ma par altri bisugne che torni in te zornade juste e te ore precise dopo quindis dis de robarie. Alorè e vedarin di fà il pussibil par vigul fur di cheste barache.

E lis siorutis e lerin come forin vignudis.

La maghe e jè plu furbe di chell che si erod. Altro che la Questure! Prime si fasè freà la panze; dopo e acetà l'afar, ma ciapand timp. Savao parçè?

E jè tant ciare! Par podè intant mandà intor lis sôs femenutis a ciacare di cò, a ciscia di là, a tirà stù di là vie. Ma il cian braco plu brav al è so marit, che, a us macaco, al fas careghete in tun buteghin e in ta chell altri, e specialmentri in tune buteghe di tabac tal centro, dula che la parone e jè une vèrè gazete, dula che si san dutis lis nuvitaz, dugg i petegolezz de citat, dugg i scandul e i afars plu delicaz. In ta cheste buteghe e van umin zovins e vecios, e fasin sedudis, conseis, consuls, maldicenze, traffichs maschii e femeni, etcetare, etcetare. La vie e van anche massarutis bielis e brutis, e contin lis storis dea fameis dula che fasin servizi, i amors, i cuntintri-bands dal paron e de parone, lis nainis dea camarelis e dai servitors, i zughezz dal paronzinis e des paronzinis.

Insume là vie al è un ver arsenal di notizis, une miò di che altre, e chell che plu al impuarte, la parone di buteghe e direz dute la bande cun d'une abilitat, che Depretis al po là a scuindisi.

In chest gabinett di pulitiche plui o mancui sporce, la maghe e ha la so sucursal, anzit, par di miôr il quartir general des sos operaziuns in vantazz dai danegias des robartis, dai amors, dai striamens, e dai altris ciadaldiaul.

Joibe vôtta us dirai l'esit dal afar di che siorute racomandade de vecie F., che jè la plui ative di dutt il gabinett de maghe, e ance us dirai qualchi ciosse altri dai trucs de parône de buteghe dal centro.

Floreaan caluniat

O me spietavi, al è ver, che ciarte int o vess vut di sberlà cuintri di me, paròe che o hai il coragio di di la veretat, ma no veress mai erodut che vessin di jessi tang di lor che de veretat e han paure e che van a ciril dutis lis stradis par fâmi dal mal e par sierâmi la bocce. A covente propit di che des ciamesis sporcis an sedi ben tropis di plui di ches che si podeve crodi.

Fin che si tratave che vessin ditt l'ire di Dio di me il professor Mastie e chell'altri sporce ciarte dal *Citadin Taglian* (eu in code,) e jere une ciosse natural. Jo me gioldevi miezz mond e viodju a butà la bave; e pes insolenzis ch'a disevin cuintri di me, no mi voltavi nance indaùr. Mi par che l'insult trivial di ciarte int al vedi di fâ pluitost onor, che no di tuart, a di un galantom.

Ma, fogo di biol di pôc in cà, int serie, umin di proposit, e si son tacaz a fâmi une uère sorde e, o scugnî dîlu, vigliacamentri e cirin di metimi a mal cun dugg. Une des dos. O che si son lassaz meti su di qualchi cance che ha pore di me, o che han pore ance lor de veretat.

Mal, fis miei, mal! Se chei che passin par galanzumin a fâsin sozietat cui birbanz, par tentà di stropà la bocce a cui ch'al crod che al sedi un dovè di bon citadin chelli di fevelà franc, al è un gran brutt segno. Al è segno che dal galanzumin and è un mont mancui di chei che si crodeve che a fossin.

Oress savè jo paròe che un ch'al ha la cunscoienze nete, al vedi di ve pôre di Floreaan? Floreaan ce fasial? Al mett in mostre i abus, lis porcadis che si fasin a seur, cu la speranze che nis sun vevi di inacuazisi; al conte su lis prepotenzis di ciarte int che, paròe che jè sul ciandelir, e crod che dutt i sedi permitud; al difind i interess dal puars, al critiche lis monadis e al ciol vie lis ridiculaginis. Ce isal di mal in dutt chest? Cui pô, di di sei mai stat tociat, di Floreaan, sul onor, sul decorò? Cui pô di che Floreaan al sedi mal colat in personalitas, che al vedi mai abusat di petegolezz e di segrezzi di fameis? E al che m'in d'è stas contas un grum. Ma jo, di dutt chelli che no ha oe fâ cui interess dal publiche e cu la publiche moralitat, no hai mai volut savend.

A chei pô che se han ciapade cun me par chelli ch'o hai contat, o che han pôre di chelli che o podaress conta, jo no puess rispuindii nome che

cui tornai a di sù ce che o hai bielzà ditt tal miò discors programe dal numar 1, sul proposit dai pezzots che jo veress ciolt par man: « An sarà plui di un che al ciatarà qualchi capo che i larà ben pes sos spalis; ma jo o fas il pezzotar, no il sartor; e no m'impuarte gran di savè di cui che puedin jessi stas i pezzots che o mett in mostre. »

Duncè, mi capiso? se qualchidun al ciate tai miei pezzots il so tabar, o la so ciamese, jo no sai ce fai. Ma che no vegnin po' a dâmi la colpe a mi.

Cui ch'al ha la cunscoienze nete al pò sta cu-jett, che jò no lu toci. Cui che le ha sporce, tal sei di lui.

Furlans! o lu sal ben che, par fâ che si fâsi, lis giambis ai cians no si puess drezzâjes. Ma, a fuarze di berla, cui sa mo che lis bestentis a no vebin di spaventassi e di cori a scuindiat?

Po' magari!

Floreaan in Zardin.

Eh! ches frutatis che no puedin sta te piell par là a balà! Ance di cheste stagion, cun ches quatri ris di soreli, e han eur di là la fieste a saltà in zardin; e ti scomenzin dal prin e, fin-tenemai che no sintin il solit: *a questo signori!* a no si movin par là vie.

Domeni stade, une biondute, une biela pivele, a ti veve pes mans un sargentutt che la faseve pirlà tanche un centesin. Je e leve in brud di violis e nance lui no l'jere malcontent.

Ma in chest mond dugg si è destinaz a jessi infeliz, e la delizie de biondute e dal sargentutt e veve di durà ben pôc. E capite su la fieste, imburide, la sur de biondute, un' altre bionde, che sta sott tiare, e che quanche la ciamin e rispuind simpri: *pronti!* E va donge de sur e là i fas une di ches paternis di giavai la piell a qualunque galantom.

Bisugne notà par altri, fra parentesi, che la sur che sta sott tiare e ha une passion malandrete di balà ance jè, e se noi foss so marit a tignile, cui sa ce che faress! Par consequenze o crod che la scene che i a fate, a so sur, la pivele, e sei stade fate plui pe rabie di no podè balà ance jè, che par altri.

Ma il sargentutt al si oponè a la scene e al scomenzà a ciol lis difesis de so balarine. La sur no ti mett sù nè sal nè pevar; jù une famos sberle al sargentutt, e la biondute balarine e scugnî a giambis cori a ciase.

Us visi che la *schiaffeggiatrice*, cumò la ciamin cussi, e jè che, in stesse che ha compagnat la siorè là vie de maghe in borg di Viole. Par chest, quanche la *schiaffeggiatrice* i domande alo a so marit, chest i rispuind simpri: *va là de maghe*. Sabide la bionde e dovaress tornà de maghe, su l'ore dal miadi a une, come che l'è stat stabilit dal consult, ma o hai mutiv di orodì che il ma-

In ch'est gabinett di pulitiche plui o mancùl sporce, la maghe e ha la so sucursal, anzit, par di miôr il quattr general des sos operaziuns in vantazz dai danegias des robartis, dai amors, dai striamens, e dai altris ciadaldiaul.

Joibe vòtt us dirai l'esit dal afar di che siorute racomandade de vecie F., che jè la plui ative di dutt il gabinett de maghe, e ance us dirai qualchi ciosse altri dai trucs de paròne de buteghe dal centro.

Floreaan caluniat

O me spietavi, al è ver, che ciarte int o vess vut di sberlà cuintri di me, paròe che o hai il coragio di di la veretat, ma no veress mai erodut che vessin di jessi tang di lor che de veretat e han paure e che van a cirì dutis lis stradis par fâmi dal mal e par sierâmi la bocce. A covente propit di che des ciamesis sporcis an sedi ben tropis di plui di ches che si podeve crodi.

Fin che si tratave che vessin ditt l'ire di Dio di me il professor Mastie e chell'altri sporce ciarte dal *Citadin Taglian* (eu in code,) e jere une ciosse natural. Jo me gioldevi miezz mond e viodju a butà la bave; e pes insolenzis ch'a disevin cuintri di me, no mi voltâvi nance indaûr. Mi par che l'insult trivial di ciarte int al vedi di fâ pluitost onor, che no di tuart, a di un galantom.

Ma, fogo di biol di pôc in cà, int serie, umin di proposit, e si son tacaz a fâmi une uere sorde e, o scugnì dilo, vigliacamentri e cirin di metimi a mal cun dugg. Une des dos. O che si son lassaz meti su di qualchi cance che ha pore di me, o che han pore ance lor de veretat.

Mal, fis miei, mal! Se chei che passin par galanzumin a fâsin sozietat cui birbanz, par tentà di stropà la bocce a cui ch'al crod che al sedi un dovè di bon citadin chelli di fevelà franc, al è un gran brutt segno. Al è segno che dal galanzumin and è un mont mancùl di chei che si crodeve che a fossin.

Oress savè jo paròe che un ch'al ha la cunscienze nete, al vedi di ve pôre di Floreaan? Floreaan ce fasial? Al mett in mostre i abus, lis porcadis che si fasin a seur, cu la speranze che nis sun vevi di inacuazisi; al conte su lis prepotenzis di ciarte int che, paròe che jè sul ciandelir, e crod che dutt i sedi permitud; al difind i interess dal puars, al critiche lis monadis e al ciol vie lis ridiculaginis. Ce isal di mal in dutt ches? Cui pô, di di sei mai stat tociat, di Floreaan, sul onor, sul decorò? Cui pô di che Floreaan al sedi mal colat in personalitas, che al vedi mai abusat di petegolezz e di segrezza di fameis? E al che m'in d'è stas contas un grum. Ma jo, di dutt chelli che nol ha oe fâ cui interess dal publiche e cu la publiche moralitat, no hai mai volut savend.

A chei pô che se han ciapade cun me par chelli ch'o hai contat, o che han pôre di chelli che o podaress conta, jo no puess rispuindii nome che

cui tornai a di sù ce che o hai bielzà ditt tal miò discors programe dal numar 1, sul proposit dai pezzots che jo veress ciolt par man: « An sarà plui di un che al ciatarà qualchi capo che i larà ben pes sos spalis; ma jo o fas il pezzotar, no il sartor; e no m'impuarte gran di savè di cui che puedin jessi stas i pezzots che o mett in mostre. »

Duncè, mi capiso? se qualchidun al ciate tai miei pezzots il so tabar, o la so ciamese, jo no sai ce fai. Ma che no vegnin po' a dâmi la colpe a mi.

Cui ch'al ha la cunscienze nete al pò sta curret, che jò no lu toci. Cui che le ha sporce, tal sei di lui.

Furlans! o lu sal ben che, par fâ che si fâsi, lis giambis ai cians no si puess drezzâjes. Ma, a fuarze di berla, cui sa mo che lis bestentis a no vebin di spaventassi e di cori a scuindiat?

Po' magari!

Floreaan in Zardin.

Eh! ches frutatis che no puedin sta te piell par là a balà! Ance di cheste stagion, cun ches quatri riis di soreli, e han eur di là la fieste a saltà in zardin; e ti scomenzin dal prin e, fin tenemai che no sintin il solit: *a questo signori!* a no si movin par là vie.

Domeni stade, une biondute, une biela pivele, a ti veve pes mans un sargentutt che la faseve pirlà tanche un centesin. Je e leve in brud di violis e nance lui no l'jere malcontent.

Ma in ch'est mond dugg si è destinaz a jessi infeliz, e la delizie de biondute e dal sargentutt e veve di durà ben pôc. E capite su la fieste, imburide, la sur de biondute, un' altre bionde, che sta sott tiare, e che quanche la ciamin e rispuind simpri: *pronti!* E va donge de sur e là i fas une di ches paternis di giavai la piell a qualunque galantom.

Bisugne notà par altri, fra parentesi, che la sur che sta sott tiare e ha une passion malandrete di balà ance jè, e se nol foss so marit a tignile, cui sa ce che faress! Par consequenze o crod che la scene che i a fate, a so sur, la pivele, e sei stade fate plui pe rabie di no podè balà ance jè, che par altri.

Ma il sargentutt al si oponè a la scene e al scomenzà a ciolì lis difesis de so balarine. La sur no ti mett sù nè sal nè pevar; jù une famose sberle al sargentutt, e la biondute balarine e scugnì a giambis cori a ciase.

Us visi che la *schiaffeggiatrice*, cumò la ciamin cussi, e jè che, in stesse che ha compagnat la siorè là vie de maghe in borg di Viole. Par ches, quanche la *schiaffeggiatrice* i domande alo a so marit, ches i rispuind simpri: *va là de maghe*. Sabide la bionde e dovaress tornà de maghe, su l'ore dal miadi a une, come che l'è stat stabilit dal consult, ma o hai mutiv di orodì che il ma-

scugnùt procurà di voltàlu in maniere che chell tal plevan al pueđi comparì di vè fate che azion a fin di ben. Si sa po', i predia e fasin dutt a fin di ben, lor! Il biell al è po' che il scribatul M. dal *Cittadin* al par che al cognossi intus et in cute il plevan dal testament. Ch' al foss lui chell? Alore o mi sint in dovè di ringrazialu tant che m' al ha fatt cognossi anca a mi. Siòr M. benedett, no savevi mingò jo che lui al foss bon di fà di ches robis! O hai ben gust di savè ce ch' al pese anca di che bande.

* *

Uè di matine, o lèi a fà quatri pass in zardin e mi rimpinai sù fin in cime de Rive. Ombre! e ce fature, par me ch' o soi pluitost pesantott! Ma, o disevi, co sarai rivat lassù in somp, o ciatarai dula pojami par polsa un fregul. Ben voel se no mi sintavi par tiare... Ma, dopo, cemud si fasevial a tornà a jevà in pins, senze nissun che mi dess une man? Parce mo', domandi jo, no metino uns quatri bancs lassù? Se nol ul spindi bez a faju gnuva, il Municipi al podareass fà portà là vie di chei caregons che son di piui te sale dal Consei, che za dai Conseirs an mance simpri es sedudis.

* *

Sul cianton donge dal lott, sul puint di San Cristoful, al è un... un... (cemud hao di spiegami senze di peraulutis?) un cianton al è, anzit and è quatri ciantons in chell cianton, dula che corin chei che passin a... a... a fà la roe. Uff! ce afar serio ch' al è a di ciartis robis in termini parlamentari! Ben, ciò! al è di just che cui ch' al ha sen, al pueđi ciatà a timp e lug il so ciantonutt. Ma chell ch' a nol è di just un... picc al è che ciars individuos, e int stagionade saveso, int che si erodaress di proposit, e vadin lì in ta chell cianton e, dopo vè fatt il fatt so, o vè fatt fente di falu, a si voltin a mostrà il *cosmorama*. E notait che all intor e stan une vore di feminis, di fantatis e di frutis. Ce biele educazion, nemo? E oleso savè cui che son chesg tai? No, par cheste volte no us al dis. Se ches avertiment al zovara a coreziju di chell brutt vizi, nissun nol savara mai di cui che si trate. Se po vorai continuà, saveso cui che us podara di il nom cognom e profession? Chell siòr lustrissin ch' al rapresente la lezz e ch' al savara ben lui ciatà la maniere di fàur imparà la creanze.

* *

La pantianate senza patente a si ha mitude tal ciat che sedin staz doi mestris elementars chei che mi han contat lis sos brauris. Nol è ver naje. Dutt ce che Florean al conte, a lu sa in grazie di une pulizie ch' al ha organizade lui, in t' une maniere che po fai invadie a dutis lis pulizis di ches mond. Dal rest, che lassin pur ce che uelin i protetors de pantianate, ma la patente, che no ha, lor no pueđin daije. E par vele, al covent-

ress che je e fasess viodi, indult che no ha protetors, di savè chell che no sa.

Chà ti uel pantianate me benedete!

* *

Ir a l'è scomenzat al Tribunal il process cuintri di Bonass, chell des revolveradis a Toni Sgoifo. Par fortune che Toni a nol è mamò, ma par altri al ha passat un brutt quart d'ore. E disin che il dibattiment al durarà tre dis. Eh ciò! i avocazz e disin: *più la pende, più la rende*, e anca se dopo i sgnacchin al acusat, quatri cinq agn di colegio, che, par di la veretat no i stan mal a di nissun galantom, cui che a vut ha vut! E nol è patt di ricupare che al tegni.

SERVIZI TELEGRAFICI PARTICOLAR di FLOREAN.

Rome, 23. (*Ore di mangià la bobè*): Depretis incaricat fà gnuv Ministeri clamat uestri Deputat Billie par conseassi. Billie ha proponut mandà via Magliani meti so puest Selle. Puest di Mancini Minghetti, lui (Billie) al interno o, se Depretis no ul cedi, tal puest di Baccarini al lavora publichs, o magari invece di Zanardelli e grazie e justizie.

Cor vos uestri deputat vedi meretat quartesfuei par ultin so discors fatt in difese Depretis. Qualchidun, gonzo, maraveisi che Caton (Billie) prestisi chestis comedis. Disin che lui l'è chell dal famos *frangar non flectar*, no jessi pussibil aceti quartesfuei. Starin a viodi.

Mos-ce, 22. (*Ore di dale ad intindi*): Czar vul prorogà incoronazion parcè che no rivat uestri Zupan Ludvig-Gabriel assistì flectis. Viodit persuadeiu vigni altrimentri Czar vul butà dutt a mont. Saress propit peciat mortal massime dopo vè spindut tang bez come uestri corrispondent.

Viene, 23. (*Ore... di Zalets cu la ne passe*): Mein alter und geliebter freund Paulo Apostulo Atesso che Depretis fa novo pastizzo per ministerio ti sburta suso tuo Tita. Gnente paura mati. Mi sempre protezir poni amichi. Mi dito Kalnoki mandar dispazio a queste brafè Augustin e lu insegnar homini che mi piase per gabineto. Dopo tuti mati preson e tutt emigrati mandar Cormons per mi far fè-ta. Mi contento anca di meler garnison mista in questi paesi di Confìn. Mi speta anca tua opinion. Augustin sempre pronto far modo tu e mio. Zum wiedersehen.

Checo-Bepo.

Grove Yoreck, 23. (*Ore che ciantin i merlos*): Impresari Barnum sta scriturand grande compagnie par dà spetacul Udin stagion Espusizion. Telegrafe uè a Vigi Gabriel domandand puest donge pozz plasse Sant Jacum par plantà casoto purincinei.

GUIDO ANTONIOLI, gerent responsabil.

Udin, Stamparie Jacob e Colmegue.